

TRADIZIONS

I feghes del Sacro Cher

Per endrez di Scizeres, de l'Union di Ladins, la Musega de Poza e l Grop de Folclor de Soraga vegn renovà la veiora tradizion

En domenia ai 30 de jugn su gran pèrt di monc del Tirol vegn empeà i feghes en onor e recordanza del Cher de Gejù che dal 1796 l'è sorastant del Tirol.

Na tradizion jita en esser te Fascia enschin a la pruma vera mondièla, dò dut che che l'era recordanza de l'arpejon de nesc antenac la é stata proibida. Ma da n pec de egn per endrez de la Compagnia de Scizeres de Fascia ence chesta bela tradizion é stata viventèda e metuda endò en esser.

Chest an en domenia che vegn, ai 30 de jugn, dò les 10 da sera vegnarà empeà sù i feghes sa Le Crepate a Moena e sun trei spic de Fascia per endrez de l'Union di

Ladins, de la Compagnia di Scizeres, de la Musega de Poza e del Grop de Folclor de Soraga.

Sun Sas da la Crousc e sun Sas da le Doudesc per i veder te la Val de Sot e sun Sas Pordoi per i veder sun duta la Val de Sora. FB



Ence i egn passé l'è stat empeà sù i feghes del Sacro Cher.